



Uunga  
Malik Bertelsen (S)  
-MAANI

**§ 36, immikkoortoq 1 naapertorlugu suliffeqarfiit ingerlaqqiffiusumillu ilinniartitaanerit pillugit apeqqutinut akissutit**

Asassara Malik Bertelsen.

Qujanaq apeqqutinnut. Kingusinaartumik akissuteqarnera ajuusaarutigaa, tamanna atorfillit sorliit akinissaannik qularuteqarsimanermik pissuteqarpoq. Apeqqutit akissutaat ataani allassimasut ukuupput:

1. **Qaffasissumik ilinniarneqartariaqartuni nunarput tamaat isigalugu atorfiit sorpiaat nunaqavissunik inuttalernerqarnissaannut qanorlu amerlatigisut amigaataanersut Naalakkersuisunit takussutissanngorlugit nalunaarsugaatigineqarnerluni?**
2. **Taakkunungalu atorfinnut qaffasinnerusunut amigaataasunut nunaqavissut ilinniarusussuseqarnerulernissaannut amerlisarnissaannullu Naalakkersuisut suliniutissanik takorlugaqarnerlutik?**

Apeqqutit akissutaat

:

- 1) Naamik.
- 2) Ilinniartitaanermut pilersaarutip 2005-imi taamanikkut Inatsisartunit akuersissutigineqarnerata kingorna ilinniagaqarnissap pingaaruteqarnera sammeneqarsimavoq. 2010-p naalernerani 2005-ip naalerneranut sanilliullugu ilinniartut 1000-inik amerleriarsimapput.

2010-mi 2011-milu Nunap immikkoortuini ineriartortitsinermut iliuusissani aamma Akileraartarnermut Atugarissaanermullu Isumalioqatigiissitamit ilinniagaqarnissap pisariaqarnera sammeneqarpoq. Maannakkut siunissamilu nunatsinni ineriartornermut sukkasuumut isiginnaartuinnaassanngikkutta iliuusissani isumalioqatigiissitallu inassuteqaataani ilinniagaqarnissaq pingaarnerpaanut ilaatinneqarpoq.

Suli amerlanerusut ilinniagaqaqqullugit kaammattorneqarnissaat nangittumik sulissutigineqarpoq. Ilinniartut ineqarfiinik ilinniarfeqarfinnullu sanaartornissaq nangittumik sammeneqarportaaq, taamaasilluni ilinniagaqarnissaminnik kissaa-

26. maj 2011  
Sagsnr. 2011-048300  
Dok. Nr. 605999

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

teqartut ilinniarfissarsinissaat ilinniaganermilu nalaani ineqarnissaat piviusun-  
ngortikkumallugit.

Kissaatigineqartutut ilinniakkat kalaallinit ilinniagarineqartut allattorsimaffiat ilan-  
ngunneqarpoq.

Inussiarnersumik inuulluaqqusillunga

Maliina Abelsen